

5-րդ շաբաթ

Թեմա՝ «Եղանակներ»

Ա. Ստորև տրված հարցերի օգնությամբ կառուցել 5-10 րոպե տևողությամբ բանավոր տեքստ և ներկայացնել այն լսարանին:

Հարցեր՝

1. Ինչպիսի՞ն են եղանակները ձեր բնակավայրում:
2. Ո՞րն է ձեր ամենասիրելի եղանակը:
3. Ինչո՞ւ եք սիրում հենց այդ եղանակը:
4. Ի՞նչ եք անում, երբ ձեր ամենասիրելի եղանակն է:
5. Ո՞րն է ձեր ամենասիրելի եղանակի ամենամեծ թերությունը:
6. Ո՞րն է ձեր ամենաքիչ սիրած եղանակը:
7. Ինչո՞ւ չեք սիրում այդ եղանակը:
8. Ո՞րն է այդ եղանակի ամենամեծ առավելությունը:
9. Ձեր կարծիքով՝ ո՞ր եղանակին ի՞նչ պետք է անել:
10. Ինչպիսի՞ եղանակ կուզեիք, որ լիներ, բայց չկա:

Տեքստ կազմելիս ըստ ցանկության օգտվել առաջարկվող բառերից, բառակապակցություններից և այլ արտահայտություններից:

Կիրառելի բառեր և արտահայտություններ`

գարուն	ցուրտ	ծաղիկներ
ամառ	արև	թռչուններ
աշուն	անձրև ձյուն	կենդանիներ
ձմեռ	քամի	բնություն
տաք	ծառեր	ծով

Բ. Յուրաքանչյուր ուսանողի ներկայացրած տեքստի հիման վրա, այլ տեղեկություններ ստանալու կամ տրված տեղեկությունը ճշգրտելու նպատակով տալ և ստանալ լրացուցիչ հարցեր` երկխոսելով մյուս ուսանողների հետ:

Բնագրի նմուշ` 1

Իմ ամենասիրելի եղանակը գարունն է: Բայց ոչ միայն նրա համար որ գարնանը ես եմ ծնվել, այլ նաև որ գարնանը շատ սիրուն է, գարնանը համով մրգեր են լինում և ոչ շատ ցուրտ է ոչ էլ շատ շոգ: Դա ամենալավն է: Ես չեմ կարող ասել, որ ինչ որ եղանակ չեմ սիրում: Ես կարող եմ ասել, թե որն եմ ամենաքիչը սիրում: Ամենաքիչը ես սիրում եմ աշունը: Աշունը ամենաքիչն եմ սիրում, որովհետև աշունը ունի նոյեմբերին, իսկ նոյեմբերը ես չեմ սիրում: Նոյեմբերը չեմ սիրում, որովհետև առաջին անձրև է գալիս և մենք ֆուտբոլ չենք կարողանում խաղալ, երկրորդ ցուրտ է և դու ստիպված պետք է տաք հագնվես, որը ես ընդհանրապես չեմ սիրում:

Աղբյուր` levonghalamqaryan.wordpress.com/2018/11/08/իմ-սիրելի-և-չսիրելի-եղանակները/

Քննարկի նմուշ՝ 2

Դեկտեմբերյան երեկոներից մեկն է: Կանգնած եմ պատուհանի մոտ ու հիանում եմ ձյան ադամանդանման փաթիլներով, որոնք երկնքից մեղմորեն իջնում են ցած ու իրենց հետ խաղաղություն ու վճիտություն են բերում: Նայում եմ նրանց ու սիրոտ միանգամից սիրով ու ջերմությամբ է լցվում: Նրանց հետևելու ընթացքում ցանկանում ես դուրս վազել ու դառնալ նրանց մի մասը, դիպչել նրանց ու զգալ այն հանդարտությունը, որ բերում են մեր աշխարհ: Փաթիլները սկսում են ավելի ու ավելի դյուլթել, փարվել ու ջերմացնել, որ մոռանաս ձմռան ցրտի ու սառնամանիքների մասին ու մի պահ նաև ուշադրություն դարձնես ու հիանաս նրա գեղեցկությամբ, խորհրդավորությամբ ու հրաշքներով:

Նայում եմ այդ փոքրիկ աստղերին, որոնք երկնքից իջնում ու գրկում են խոնջացած հողը, և միանգամից հիշում եմ «Գտնված երագ» մուլտֆիլմը: Հիշում եմ բարի ծերուկին, ով իր քունն էր կորցրել, արծաթե գեղեցկուհուն, ու Ռուբեն Հախվերդյանի «Ձյունը» երգը: Երևի բոլորն էլ տեսել են այդ մուլտը, ու համոզված եմ, որ բոլորն էլ այն շատ սիրում են: Սիրում եմ այդ մուլտի բարությունը, պարզությունը, այն ինձ միանգամից հիշեցնում է ձմեռը:

Գիտե՞ք, առաջ չէի սիրում ձմեռը: Այն ինձ համար միշտ եղել է կոպիտ, դաժան ու սառնասիրտ, բայց վերջերս իմ շատ սիրելի ընկերուհիներից մեկը ասաց, որ ձմեռն ամենաշատն է սիրում: Նա շատ արևոտ ու խինդով լցված մարդ է, և ինձ զարմացրեց նրա ասածը, բացի այդ, ես սկսեցի բացատրություններ փնտրել նրա ասածի մեջ: Կարծում էի, որ աշունն է սիրում, բացի այդ նա նյութ էլ ունի գրած աշնան մասին, իսկ հիմա՝ ձմեռ... Հասկացա՞, ես վերջապես այսօր հասկացա, թե կոպտության ու սառնասիրտության հետևում ինչ է թաքցնում ձմեռը: Այն իր խորքում ավելի շատ արև է պահում, քան ամառը, ավելի մեծ սեր, քան աշունը ու ավելի շատ բարություն, քան գարունը: Այն

Երազանքների ու դրանց իրականացման, հրաշքների ու կախարդանքի համաձուլվածքն է... Կարծում եմ գտել եմ իմ եղանակը...

Աղբյուր՝ <http://www.17.am/%D5%AB%D5%B4-%D5%A5%D5%B2%D5%A1%D5%B6%D5%A1%D5%AF%D5%A8/>